

清。蔣廷錫等編
中國筆記小說文庫續編

神怪大典

中

上海文藝出版社

上海文藝出版社

清·蔣廷錫等編

中國筆記小說文庫續編

神怪大典
上

影印出版说明

《古今图书集成》是中国古代一部大型类书。清·康熙中陈梦雷等原辑,清世宗命蒋廷锡等重辑。本书是《古今图书集成·博物汇编》中的一部分,共三百二十卷,其中有大量的民间文化的内容,如鬼怪、神仙、地狱、灵魂、城隍、庙宇、释道等等,内容繁富,区分详晰。

中华书局 1934 年根据清·雍正铜活字排印本影印,现据此重印。

神 怪 大 典

(影印本 1991 年 5 月)

上海文艺出版社出版、发行

新华书店经销

上海市印刷七厂印刷

ISBN 7-5321-0815-5/I·650

登记证号: (沪)103 定价: (精三册) 99 元

欽定古今圖書集成博物彙編神異典

第一卷目錄

神異總部彙考一

上古太昊伏羲氏一則
少昊金天氏一則
帝嚳高辛氏一則
黃帝有熊氏一則

陶唐氏 帝舜一則

有虞氏 帝禹一則

夏后氏 禹一則 孔甲一則

商 湯一則 武乙一則 紂一則

周 武王一則 宣王一則

秦 始皇一則

漢 高祖二則 文帝一則 武帝元光一則 元封二則 太初一則 太始一則 宣帝神爵一則 成帝一則 哀帝一則 平帝元始二則

後漢 光武一則 中元一則 章帝元和一則 文宗黃初一則

魏 文帝黃初一則

吳 吳主時一則

神異典第一卷

神異總部彙考一

上古

太昊伏羲氏與神鼎以致羣祠

按史記補三皇本紀不載 按路史後紀太昊伏羲氏爰與神鼎制郊禪即命臣芒履登龍使鬼物以致群祠而升薦之

黃帝有熊氏受河圖接萬神始立官以司鬼神祠祀按史記五帝本紀黃帝時萬國和而鬼神山川封禪

與爲多焉

按竹書紀年黃帝軒轅氏五十年秋七月庚申鳳鳥至帝祭於洛水

注 帝有聖德効百神朝而使之驅應龍攻蚩尤以女魃止淫雨天下既定群瑞畢臻五十年大霧三日三夜晝昏帝問天老力牧答成曰于公何如天

老曰臣聞之國安其主好文則鳳凰居之國亂其主好武則鳳凰去之今鳳凰翔于東郊而樂之其鳴音中夷則與天相副以是觀之天有嚴教以賜

帝帝勿犯也召史卜之龜焦史曰臣不能占也其問之聖人帝曰已問天老力牧客成矣史北面再拜曰龜不違聖智故焦龜降游于洛水之上見

大魚殺五牲以醴之天乃甚雨七日七夜魚流于海得圖書焉龍圖出河龜書出洛亦文篆字以授

軒轅接萬神于明庭今集門谷口是也 按路史後紀黃帝即位十有五年喜天下之戴己乃養正命娛耳目昏然五情爽惑于是放萬機舍宮廡而肆志于昆臺方明執與昌衡參乘張若謂朋前馬

昆閭滑精後車風后柏常從負書劔發朝紫宮之中涉涇沙而居陰浦降王屋而受丹經登空同而問廣成封東山而奉中華君策大面而禮甯生入金谷而

咨涓子心訪大恢于具茨即神牧于相成陞鴻隄受神芝于黃蓋遂盡靈神大明之虛而投玉策于鍾陰歲已酉朔旦南至而獲神策得寶鼎爰與封禪于是

始有天地神民事物之官各司其序俾不相亂民是以能有忠信神是以能有明德民神異業敬而不瀆故神降之嘉生乃作合宮建壘殿以祀上帝接萬靈

于是采首山之銅鑄三鼎于荆山之陽以象太乙按通鑑前編黃帝立六相暨史官

注 外紀曰黃帝得六相而天地治神明至少昊金天氏與郊禪崇五祀作大瀝之樂以諧人神按路史後紀云云

顓頊高陽氏命重黎司天地以屬神人按國語楚語昭王問於觀射父曰周書所謂重黎實使天地不通者何也若無然民將能登天乎對曰非此之謂也古者民神不雜民之精爽不備賦者而又

能齊肅衷正其知能上下比義其聖能光遠宣朗其明能光照之其聰能聽徹之如是則明神降之在男曰現在女曰巫是使制神之處位天主而爲之性器時服而後使先聖之後之有光烈而能知山川之號

高祖之主宗廟之事昭穆之世齊敬之勤禮節之宜威儀之則容貌之崇忠信之質禮潔之服而敬恭明神者以爲之視使名姓之後能知四時之生犧牲之物玉帛之類采服之儀彝器之量次主之度屏攝之位壇場之所上下之神氏姓之出而心率舊典者爲

之宗于是乎有天地神明類物之官謂之五官各司其序不相亂也民是以能有忠信神是以能有明德民神異業敬而不瀆故神降之嘉生民以物享禍災不至求用不匱及少皞之衰也九黎亂德民神雜糅不可方物夫人作享家爲巫史無有要質民墮于祀而不知其福祿享無度民神同位民瀆齊盟無有嚴威神狎民則不錫其爲嘉生不降無物以享禍災薦臻莫盡其氣顓頊受之乃命南正重司天以屬神命火正黎司地以屬民使復舊常無相侵瀆是爲紀地

天通

按史記五帝本紀帝顓頊依鬼神以制義治氣以教化潔誠以祭祀北至于幽陵南至于交趾西至于流沙東至于蟠木動靜之物小大之神日月所照莫不砥屬

按路史後紀帝顓頊設蕭雋陳陳祿也仗萬靈以信順監衆神以道物馭百氣詔雷電采羽山葛嶧之銅鑄鼎以藏天下之神上諸者洞臺之山陰宮之丘悉真之移安德之石嶺焉

帝嚳高辛氏明鬼神之事

按史記五帝本紀云云

陶唐氏

帝堯命舜攝政祀上帝及羣神

按書經虞書舜典正月上日受終于文祖在璿璣玉衡以齊七政肆類于上帝禋于六宗望于山川徧于羣神

按路史後紀帝舜立五府以享先祖而祀五帝祭以其氣迎牲殺于廷毛血詔于室以降土神然後樂作所以交神明也

有虞氏

帝舜命伯夷典天神地祇人鬼之禮又命重黎掌天地神祇

按書經虞書舜典帝曰咨四岳有能典朕三禮僉曰伯夷帝曰俞咨伯汝作秩宗夙夜惟寅直哉惟清伯拜稽首讓于夔龍帝曰俞往欽哉

按書經周書周官宗伯掌邦禮治神人和上下

民無世在下乃命重黎絕地天通罔有降格

堯命羲和世掌天地四時之官使人神不擾各得其序堯帝舜也按孔傳以帝為堯與舜傳互異今從堯傳

夏后氏

禹致孝于鬼神

按史記夏本紀云云

帝孔甲好鬼神事

按史記夏本紀帝孔甲立好方鬼神事夏后氏德衰諸侯畔之

商

湯承上下神祇罔不祇肅

按書經商書太甲伊尹作書曰先王顧諟天之明命以承上下神祇社稷宗廟罔不祇肅

言能嚴敬鬼神而遠之

帝武乙爲偶人謂之天神而僂辱之暴雷震死

按史記殷本紀帝武乙無道爲偶人謂之天神與之博令人爲行天神不勝乃僂辱之爲革囊盛血仰而射之命曰射天武乙獵于河渭之間暴雷武乙震死帝紂慢於鬼神

按史記殷本紀云云 按周本紀殷之末孫季紂殄廢先王明德侮蔑神祇不祀

周

周立官掌治天神地祇人鬼之事

按書經周書周官宗伯掌邦禮治神人和上下

治天神地祇人鬼之事

按周禮地官鼓人以雷鼓鼓神祀

雷鼓八面鼓也神祀祀天神也

以靈鼓鼓社祭

靈鼓八面鼓也社祭祭地祇也以路鼓鼓鬼享

路鼓四面鼓也鬼享享宗廟也

凡祭祀百物之神鼓兵舞鼓舞者

釋曰上文神祀社祭鬼享不及小神故此更廣見小神之事鄭錫曰或謂祭祀用舞固不止於兵鼓彼其神之小者有用兵舞鼓舞之時雖止於二舞鼓人亦當鳴鼓以作之也神之小者或能爲人捍患故用兵舞或能爲人除去不祥故用鼓舞

春官大宗伯之職掌建邦之天神人鬼地示之禮以佐王建保邦國以吉禮事邦國之鬼神示以饗祀祀昊天上帝以實柴祀日月星辰以醴燎祀司中司命風師雨師以血祭祭社稷五祀五岳以狸沈祭山林川澤以鬴辜祭四方百物以肆獻裸享先王以饋食享先王以祠春享先王以醴夏享先王以嘗秋享先王以烝冬享先王

鄭司農云昊天上帝也上帝元天也司中三能二階也司命文昌宮星風師箕也雨師畢也元謂昊天上帝冬至於圜丘所祀天皇大帝星謂五緯辰謂日月所會十二次司中司命文昌第五第四星或曰中能上能也社稷土穀之神有德者配食焉五岳東曰岱宗南曰衡山西曰華山北曰恆山中曰嵩山邪特牲曰八蜡以祀四方四年不順成八蜡不通以謹民財也又曰蜡之祭也主先蠶而祭司蠶也祭百物以報蠶也

凡祀大神享大鬼祭大元帥執事而卜日宿厭靜懼

道王聖省牲饗奉王靈詔大號治其大禮詔相王之大禮

小宗伯之職掌建國之神位右社稷左宗廟

大裁及執事禱祠于上下神示

大司樂以六律六同五聲八音六舞大合樂以致鬼神

神示

注以冬至作之致天神人鬼以夏至作之致地示物彰動物羽蟲之屬

凡六樂者一變而致羽物及川澤之示再變而致蟲物及山林之示三變而致鱗物及丘陵之示四變而致毛物及墳衍之示五變而致介物及土示六變而致象物及天神

注土祇原隰及平地之神原隰及平地以其生九穀故知此土祇中非直有原隰亦有平地之神也若然彼不言原隰而乃云土祇者欲見原隰中有社稷故鄭君駁異義云五變而致土祇土祇者五土之總神

若樂六變則天神皆降可得而禮矣
若樂八變則地示皆出可得而禮矣

注天神則主北辰地祇則主崑崙

天神則昊天上帝日月星辰風師雨師之屬莫不以類而畢降言地示則大示社稷五祀五岳四瀆山林川澤四方百物之屬莫不以類而畢出

大祝掌六祝之辭以事鬼神祈禱祥求未竟一日順祝二日年祝三日吉祝四日化祝五日瑞祝六日筴祝

注以事鬼神示者此六祝皆所以事人鬼及天神

地祇

掌六祈以同鬼神示一曰類二曰道三曰禱四曰祭五曰攻六曰說

注鄭君曰鬼神依人而行好惡未嘗不與人同然亦有時不同人惡疾厲疾厲或至人惡災害災害或生師欲有功或不功年欲順成或不順成未必其心皆同故以六祈祈其同

辨六號一曰神號二曰鬼號三曰示號四曰牲號五曰蠶號六曰幣號

注神號若云皇天上帝鬼號若云皇祖伯某示號若云后土地祇

武王懷柔百神

按詩經周頌時邁章懷柔百神及河喬嶽允王維后按史記周本紀祭公謀父曰文王武王昭前之光明而加之以慈和事神保民無不欣喜

靈王使其弘明鬼神事設射理首

按史記周本紀不載按封禪書其弘以方事周靈王諸侯莫朝周周力少莫弘乃明鬼神事設射理首

理首者諸侯之不來者依物怪欲以致諸侯諸侯不從而晉人執殺其弘周人之言方怪者自其弘

按拾遺記周靈王二十三年起昆昭之臺亦名宣昭聚天下異木神工得崑崙陰生之樹其樹千尋文理盤錯以此一樹而量用足焉大幹為桁棟小枝為楹

桷其木有龍蛇百獸之形又飾木精以為泥臺高百丈界之以望雲色時有異弘能招致神異王乃登臺望雲氣新雲忽見二人乘雲而至鬚髮皆黃非謠俗之類也乘遊龍飛鳳之聲駕以青螭其衣皆縹緇毛

羽也王即迎之上席時天下大旱地裂木燃一人先唱能為雪霜引氣一噴則雲起雪飛坐者皆凜然宮中池井堅冰可琢又設孤臘煮羹紫羅文褥照褥是西域所獻也施于臺上坐者皆溫又有一人唱能使即席為炎乃以指彈席而上而隨風入室裘褥皆焚於臺下時有客成子諫曰大王以天下為家而樂異術使變夏改寒以誣百姓文武周公之所不取也王乃疎其弘而求正諫之士時異方貢玉人石鏡此石色白如月照面如雪謂之月鏡有玉人機辰自能轉動其弘言於王曰聖德所招也故周人以其弘媚詔而殺之流血成石或言成碧不見其屍矣

秦

秦并天下常奉祠四帝及山川諸鬼神按史記秦始皇本紀不載按封禪書秦襄公既侯居西垂自以為主少皞之神作西時祠白帝其牲用騂駒黃牛羝羊各一云其後十六年秦文公東獵汧渭之間卜居之而吉文公夢黃蛇自天下屬地其口止于鄜衍文公問史敦敦曰此上帝之徵君其祠之于是作鄜時用三牲郊祭白帝焉自未作鄜時也而雍旁故有吳陽武時雍東有好時皆廢無祠或曰自古以雍州積高神明之隄故立時郊上帝諸神祠皆聚云蓋黃帝時嘗用事雍畤周亦郊焉其語不經見指神者不道作鄜時後九年文公獲若石云于陳倉北阪城祠之

注蘇林曰實如石也索隱曰云語辭也正義曰三秦記云太白山有陳倉山山有石雞與山雞不別趙高繞山山雞飛去而石雞不去晨鳴山頭聲

開三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之

其神或歲不至或歲數來來也常以夜光輝若流星從東南來集于祠城則若雄雞其聲殷云野雞夜鳴以一牢祠命曰陳寶

寶曰陳倉縣有寶夫人祠或一歲二歲與葉君合葉神來時天爲之殷殷雷鳴雉爲雉在長安正西五百里韋昭曰在陳倉縣寶而祠之故曰陳寶索隱曰列異傳云陳倉人得異物以獻之道遇一童子云此名爲媚在地下食死人腦媚乃言彼二童子名陳寶得雉者王得雉者乃逐童子化爲雉秦穆公大獵果獲其雉爲立祠祭有光雷電之聲雄止南陽有赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君即雄雉之神故時與寶夫人神合也作鄭時後七十八年秦德公既立卜居雍後子孫飲馬於河遂都雍雍之諸祠自此興用二百牢于鄭時作伏祠

索隱曰服虔云周時無伏秦始作之漢晉儀云伏者萬鬼行故開畫日不干求也東觀漢記和帝初令伏閉畫日是也又曆忌釋曰伏者何金氣伏藏之名四時代謝皆以相生而春木代水水生木也夏火代木木生火也冬水代金金生水也秋則以金代火火畏於水故凡至庚日必伏庚者金也德公立二年卒其後六年秦宣公作密時于渭南祭

青帝秦靈公作吳陽上時祭黃帝作下時祭炎帝燔陽雨金秦獻公自以爲得金瑞故作畦時標陽而祀白帝昔三代之君皆在河洛之間故嵩高爲中岳而四岳各如其方四瀆咸在山東至秦稱帝都咸陽則五岳四瀆皆并在東方自五帝以至秦軼與軼衰名山大川或在諸侯或在天子其禮損益世殊不可勝記及秦并天下今祠官所常奉天地名山大川鬼神可得而序也于是自殷以東名山五大川祠二曰太室太室嵩高也恆山太山會稽湘山水曰瀋曰淮春以脯酒爲歲祠因泮凍泮涸凍冬養禱祠其牲用牛犧各一牢具珪幣各異自華以西名山七名川四曰華山薄山薄山者襄山也岳山岐山吳岳鴻臚山瀋山蜀之汶山也水曰河祠臨晉河祠漢中湫祠祠朝那江水祠蜀亦春秋泮涸禱養如東方名山川而牲牛犧牢具珪幣各異而四大家鴻臚吳岳皆有嘗禾陳寶節來祠其河加有嘗醪此皆在雍州之域近天子之都故加車一乘驃駒四瀆產長水澧潯渭皆非大川以近咸陽盡得比山川祠而無諸加汧洛二瀆鳴澤蒲山岳嶓山之屬爲小山川亦皆歲禱賽泮涸祠禮不必同而雍有日月參辰南北斗榮惑太白歲星填星二十八宿風伯雨師四海九臣十四臣諸布諸嚴諸諸之屬百有餘廟

滴有昭明 索隱曰按梁彥引河圖云榮惑星散爲昭明天子辟池 索隱曰梁彥云辟池未聞顧氏以爲璧池即滴池所謂華陰平舒道逢使者持璧以遺滴池君故曰璧池 於社毫有三社主之祠壽星祠 索隱曰社毫二邑有三社主之祠壽星蓋南極老人星也見則天下理安故祠之以祈福壽也而雍管廟亦有社主杜主故周之右將軍其在秦中 smallest 鬼之神者各以歲時奉祠唯雍四時上帝爲尊其光景動人民惟陳寶 索隱曰地理志杜陵故杜伯國有杜主祠四壘子云周宣王殺杜伯不以罪後宣王田于圃見杜伯執弓矢射宣王伏殺而死故祠之也雍有五時而言四者顧氏以爲兼下文上帝爲五非也按四時據秦舊而言秦襄公始列爲諸侯而作西時文公卜居汧渭之間而作鄭時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時祠白帝是爲四并高祖增黑帝而五也正義曰括地志云鄭時吳陽上下時是言秦用四時祠上帝青黃赤白最尊貴之也 故雍四時春以爲歲禱因泮凍泮涸凍冬賽祠五月嘗駒及四仲之月祠若月祠陳寶節來一祠春夏用驂秋冬用驂時駒四匹木馬龍乘車一駟木馬車馬一駟各如其帝召黃墳蓋各四珪幣各有數皆生瘞

埋無俎豆之具三年一郊祭以冬十月爲歲首故常以十月上宿郊見通權火拜於咸陽之旁而衣上白其用如經祠云西時畦時祠如其故上不親往諸此祠皆太祝常主以歲時奉祠之至如他各山川諸鬼及八神之屬上過則祠去則已郡縣遠方神祠者民各自奉祠不領于天子之祝官祝官有祕祝即有甯祥輒祝詞移過于下

始皇二十八年東行郡縣祠名山大川及八神

按史記秦始皇本紀二十八年始皇東行郡縣上鄒

嶧山立石與魯諸儒生議刻石頌秦德議封禪望祭

山川之事乃遂上泰山立石封祠祀下風雨暴至休

于樹下因封其樹爲五大夫禪梁父刻所立石乃臨

于海還過彭城齊戒禱祠欲出周鼎泗水使千人沒

水求之弗得乃西南渡淮水之衡山南郡浮江至湘

山祠逢大風幾不得渡上問博士曰相君何神博士

對曰聞之堯女舜之妻而葬此於是始皇大怒使刑

徒二千人皆伐湘山樹薪其山按封禪書始皇東

游海上行禮祠名山大川及八神求仙人美門之屬

八神將自古而有之或曰太公以家作之齊所以爲

齊以天齊也其祀絕莫知起時八神一日天主祠天

齊天齊淵水居臨菑南郊山下者二日地主祠太山

梁父蓋天好陰祠之必于高山之下小山之上命曰

時地貴陽祭之必于澤中圓丘云三曰兵主祠蚩尤

蚩尤在東平陸監鄉齊之西境也四曰陰主祠三山

五曰陽主祠之祭六日月主祠之祭山皆在齊北竝

渤海七曰日主祠成山成山斗入海最居齊東北隅

以迎日出云八曰四時主祠琅邪琅邪在齊東方蓋

歲之所始皆各用一牢具祠而巫祝所損益珪幣雜異焉

始皇三十二年燕人盧生使入海還以鬼神事奏錄

圖書

按史記秦始皇本紀三十二年始皇之碣石使燕人

盧生求羨門高誓刻碣石門因使韓終侯公石生求

仙人不死之藥始皇巡北邊從上郡入燕人盧生使

入海還以鬼神事因奏錄圖書曰亡秦者胡也始皇

乃使將軍蒙恬發兵三十萬人北擊胡略取河內地

漢

漢王二年更立社稷及黑帝祠令祠官禮祠諸神

按史記高祖本紀二年二月令除秦社稷更立漢社

稷六月令祠官祀天地四方上帝山川以時祀之

按封禪書漢王二年東擊項籍而還入關問故秦時

上帝祠何帝也對曰四帝有白青黃赤帝之祠高祖

曰吾聞天有五帝而有四何也莫知其說于是高祖

曰吾知之矣乃待我而具五也乃立黑帝祠命曰北

時有司進祠上不親往悉召故秦祝官復置太祝太

宰如其故禮儀因令縣爲公社下詔曰吾甚重祠而

敬祭今上帝之祭及山川諸神當祠者各以其時禮

祠之如故

高祖六年立諸神祠令祠官女巫領祠之

按史記漢書高祖本紀俱不載按史記封禪書漢

王二年立黑帝祠後四歲天下已定詔御史令豐謹

治粉榆社常以四時春以羊饗祠之令祝官立蚩尤

之祠于長安長安置祠祝官女巫其梁巫祠天地天

社天水房中堂上之屬晉巫祠五帝東君雲中司命

巫社巫族人先炊之屬

按史記漢書文帝本紀俱不載按史記封禪書文

帝十三年制曰朕即位十三年于今願宗廟之靈社

稷之福方內安民人靡疾問者比年登朕之不德

何以馨此皆上帝諸神之賜也蓋聞古者養其德必

名

秦巫祠社主巫係族彙之屬

按史記漢書文帝本紀俱不載按史記封禪書文

帝十三年制曰朕即位十三年于今願宗廟之靈社

稷之福方內安民人靡疾問者比年登朕之不德

何以馨此皆上帝諸神之賜也蓋聞古者養其德必

名

秦巫祠社主巫係族彙之屬

按史記漢書文帝本紀俱不載按史記封禪書文

帝十三年制曰朕即位十三年于今願宗廟之靈社

稷之福方內安民人靡疾問者比年登朕之不德

何以馨此皆上帝諸神之賜也蓋聞古者養其德必

名

秦巫祠社主巫係族彙之屬

按史記漢書文帝本紀俱不載按史記封禪書文

帝十三年制曰朕即位十三年于今願宗廟之靈社

稷之福方內安民人靡疾問者比年登朕之不德

何以馨此皆上帝諸神之賜也蓋聞古者養其德必

名

秦巫祠社主巫係族彙之屬

按史記漢書文帝本紀俱不載按史記封禪書文

帝十三年制曰朕即位十三年于今願宗廟之靈社

稷之福方內安民人靡疾問者比年登朕之不德

何以馨此皆上帝諸神之賜也蓋聞古者養其德必

燕齊之間莫不搔腕而自言有禁方能神仙矣其夏
六月中汾陰巫錦爲民祠魏離后土旁見地如鉤
狀拾視得鼎鼎大異於衆鼎文錄無款識怪之言吏
吏告河東太守勝勝以聞天子使使驗問巫錦得鼎
無姦詐乃以禮祠迎鼎至甘泉從行上薦之至中山
舉溫有黃雲蓋焉有應過上自射之因以祭云其秋
上幸雍且郊或曰五帝泰一之佐也宜立泰一而上
親郊之上疑未定齊人公孫卿曰今年得寶鼎其冬
辛巳朔旦冬至與黃帝時等卿有札書曰黃帝得寶
鼎宛侯問於鬼史區區對曰黃帝得寶鼎神策是歲
己酉朔旦冬至得天之紀終而復始于是黃帝迎日
推策後率二十歲得朔旦冬至凡二十推三百八十
年黃帝仙登于天卿因所忠敬奏之所忠視其書不
經疑其妄書謝曰寶鼎事已決矣尚何以爲卿因變
人奏之上大悅召問卿對曰受此書申功申功已死
上曰申功何人也卿曰申功齊人也與安期生通受
黃帝言無書獨有此鼎書曰漢興復當黃帝之時漢
之聖者在高祖之孫且曾孫也寶鼎出而與神通封
禪封禪七十二王惟黃帝得上太山封申功曰漢主
亦當上封上封則能仙登天矣黃帝時萬諸侯而神
靈之封居七千天下名山八而三在蠻夷五在中國
中國華山首山太室太山東萊此五山黃帝之所常
遊與神會黃帝且戰且學仙思百姓非其道乃斷斬
非鬼神者百餘歲然後得與神通黃帝亦雍上帝宿
三月鬼吏區區號大鴻死葬雍故鴻冢是也其後黃帝
接萬靈明廷廷者甘泉也所謂塞門者谷口也黃
帝采首山銅鑄鼎於荆山下鼎既成有龍垂胡頰下

迎黃帝黃帝上騎羣臣後宮從上龍七千餘人龍乃
上去餘小臣不得上乃悉持龍龍龍龍拔隨黃帝之
弓百姓仰望黃帝既上天乃抱其弓與龍胡頰號故
後世因名其處曰鼎湖其弓曰烏號於是天子曰嗟
乎吾誠得如黃帝吾視去妻子如脫屣耳乃拜卿爲
郎東使候神于太室上遂郊雍至隴西西登空桐幸
甘泉令祠官寬舒等具泰一祠壇壇放薄忌泰一壇
壇三垓五帝壇壇居其下各如其方黃帝西南除八
通鬼道泰一所用如雍一時物而加醴棗脯之屬殺
一犛牛以爲俎豆牢具而五帝獨有俎豆醴進其下
四方地爲餼食羣神從者及北斗云已祠昨餘皆燔
之其牛色白鹿居其中鉗在鹿中水而泊之祭日以
牛祭日以羊鉗特泰一祝宰則衣紫及纁五帝各如
其色日赤月白十一月辛巳朔旦冬至昧爽天子始
郊拜太一朝朝旦夕夕月則揖而見太一如雍禮其
贊費曰天始以寶鼎神策授皇帝帝朔而又朔終而復
始皇帝敬拜見焉而衣上黃其祠列火滿壇旁壇旁
烹炊具其有司云祠上有光焉公卿言皇帝始郊見泰
一雲陽有司奉瑄玉嘉牲薦饗是夜有美光及黃黃
氣上屬天太史公祠官寬舒等曰神靈之休祐福兆
祥宜因此地光城立泰畤壇以明應令太祝領祀及
臘間祠三歲天子一郊見其秋爲伐南粵告祀泰一
以牡刺畫幣日月北斗登龍以象天一三星爲泰一
鋒名曰靈旗爲兵禱則太史奉以指所伐國而五利
將軍使不敢入海之泰山祠上使人微隨驗實無所
見五利妄言見其師其方盡多不讎上乃誅五利其
冬公孫卿候神河南見仙人跡緹氏城上有物若雉

往來城上天子親幸緹氏城視跡問卿得無效文成
五利乎卿曰仙者非有求人主人主求之其道非少
寬假神不來言神事事如迂誕積以歲乃可致於是
郡國各除道繕治宮觀名山神祠所以望幸矣按封
元封元年東巡禮登中岳祠八神封泰山令齊人入
海求蓬萊神人
按史記武帝本紀上議曰古者先振兵澤旅然後封
禪乃遂北巡朔方勒兵十餘萬還祭黃帝冢橋山澤
兵須如既至甘泉爲且用事太山先類祠太一上與
公卿諸生議封禪齊人丁公年九十餘曰封者合不
死之名也泰皇帝不得上封陛下必欲上稍上即無
風雨遂上封矣上於是乃令諸儒習射牛草封禪儀
數年且行天子既聞公孫卿及方士之言黃帝以
上封禪皆致怪物與神通欲放黃帝以嘗接神仙人
蓬萊士高世比德於九皇而頗采儒術以文之群儒
既以不能辨明封禪事又牽拘於詩書古文而不敢
騁上爲封禪器示群儒群儒或曰不與古同徐偃又
曰太常諸生行禮不如魯善周霸屬圖封事於是上
絀偃霸盡罷諸儒弗用三月東幸緹氏禮登中岳太
室從官在山下若聞有言萬歲云問上上不言問下
下不言於是封三百戶封太室奉祠命曰崇高邑東
上泰山遂巡海上行禮祠八神齊人之上疏言神怪
奇方者以萬數然無驗者乃益發船令言海中神山
者數千人求蓬萊神人公孫卿特節常先行候名山
至東萊言夜見一人長數丈就之則不見見其跡甚
大類禽獸云羣臣有言見一老父牽狗言吾欲見巨

公已忽不見上既見大跡未信及羣臣有言老父則大以爲仙人也宿爾海上與方士傳車及問使求仙人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠泰一之禮封廣丈二尺高九尺其下則有玉牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北蕭然山如祭后土禮天子皆親拜見衣上黃而盡用樂焉江淮間一茅三脊爲神藉五色土益雜封縱遠方奇獸蜚禽及白雉諸物頗以加祠祀旄牛犀象之屬弗用皆至泰山然後去封禪祠其夜若有光燿有白雲起封中天子從封禪還坐明堂羣臣更上壽天子既已封禪泰山既無風雨而方士更言蓬萊諸神山若將可得於是上欣然庶幾遇之乃復東至海上望冀遇蓬萊焉奉車子侯暴病一日死上乃遂去並海上北至碣石巡自遼西歷北邊至九原五月返至甘泉有司言寶鼎出爲元鼎以今年爲元封元年元封二年祠五帝及泰一遂至東萊觀神人又令越巫祠天神上帝百鬼始用雞卜

按史記武帝本紀天子既封禪有司言以今年爲元封元年其來年冬郊雍五帝還拜祝祠泰一贊皇曰德星昭衍厥維休祥壽星仍出淵耀光明信星昭見皇帝敬拜泰祝之響其春公孫卿言見神人東萊山若云見天子天子於是幸緱氏城拜卿爲中大夫遂至東萊宿留之數日毋所見見大人跡是時既滅南越越人勇之乃言越人俗信鬼而其祠皆見鬼數有

效昔東甌王敬鬼壽至百六十歲後世謾忘故衰耗乃令越巫立越祝祠安臺無壇亦祠天神上帝百鬼而以雞卜上信之越祝雞卜始用焉公孫卿曰仙人可見而上往常遽以故不見今陛下可爲觀如緱氏城置脯聚神人宜可致且仙人好樓居於是上令長安則作蜚廉桂觀甘泉則作益延壽觀使卿持節設具而候神人乃作通天臺置祠具其下將招來神仙之屬於是甘泉更置前殿始廣諸宮室云 按封禪書今天子所興祠太一后土三年親郊祠建漢家封禪五年一修封禪泰一及三一冥羊馬行赤星五寬舒之祠官以歲時致禮凡六祠皆太祝領之至如八神諸明年凡山他名祠行過則祠行去則已方士所興祠各自主其人終則已祠官不主他祠皆如其故今上封禪其後十二歲而還徧於五嶽四瀆矣而方士之候祠神人入海求蓬萊終無有驗而公孫卿之候神者猶以大人之跡爲解無有效天子益怠厭方士之怪迂諛矣然羣靡不絕冀遇其真自此之後方士言神祠者彌衆然其效可睹矣

太初二年命祀五時及諸名山川用駒者悉以木犢馬代 按史記武帝本紀太初元年西伐大宛蝗大起丁夫人稚陽虞初等以方祠詛匈奴大宛焉其明年有司官雍五時無羊熟具芬芳不備乃命祠官進時饋羊具五色食所勝而以木犢馬代駒焉獨五帝用駒行親郊用駒及諸名山川用駒者悉以木犢馬代行過乃用駒他禮如故 太始四年祠神人於交門宮

按漢書武帝本紀太始四年夏四月幸不其祠神人於交門宮若有鄉坐拜者作交門之歌 宣帝神爵元年以方士言大立諸神祠

按漢書宣帝本紀不載 按郊祀志上始幸甘泉郊見奉時數有美祥修武帝故事盛車服敬齋祠之禮頗作詩歌其三月幸河東祠后土有神爵集改元爲神爵制詔太常夫江海百川之大者也今闕焉無祠其合祠官以禮爲故事以四時祠江海雒水所爲天下豐年焉自是五嶽四瀆皆有常體東嶽泰山於博中嶽泰室於嵩高南嶽瀛山於瀛西嶽華山於華陰北嶽常山於上曲陽河於臨晉江於江都淮於平氏濟於臨邑界中皆使者持節侍祠唯泰山與河成五祠江水四餘皆一禱而三祠云時南郡獲白虎獻其皮牙爪上爲立祠又以方士言爲隨侯劍寶玉寶璧周康寶鼎立四祠於未央宮中又祠太室山於即墨三戶山於下密祠天封苑火井於鴻門又立歲星辰星太白災惑南斗祠於長安城旁又祠參山八神於曲城蓬山石社石鼓於臨胸之朶山於歷成山於不夜萊山於黃成山祠日萊山祠月又祠四時於琅邪崔尤於壽良京師近縣鄆則有勞谷五林山日月五帝仙人王女祠雲陽有徑路神祠祭休屠王也又立五龍山仙人祠及黃帝天神帝原水凡四祠於膚施或言益州有金馬碧雞之神可醮祭而致於是遣諫大夫王褒使持節而求之大夫劉更生獻淮南枕中洪寶苑祕之方令方鑄作事不驗更生坐論後尚方待詔皆罷 成帝建始二年始祀南郊詔罷諸神祠遣使神方士

等歸家

按漢書成帝本紀建始二年春正月罷雍五時辛巳上始郊祀長安南郊按郊祀志成帝初即位丞相衛御史大夫譚詡奏言帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也廼地於北郊即陰之象也天之於天子也因其所都而各舉焉往者孝武皇帝居甘泉宮即於雲陽立泰畤祭於宮南今行常幸長安郊見皇天反北之泰陰祠后土反東之少陽事與古制殊又至雲陽行給谷中阨陳且百里汾陰則渡大川有風波舟楫之危皆非聖主所宜數乘郡縣治道共張吏民困苦百官煩費勞所保之民行危險之地難以奉神靈而祈福祐殆未合於承天子民之意昔者周文武郊於豐鄠成王郊於維邑由此觀之天隨王者所居而變之可見也甘泉泰畤河東后土之祠宜可徙置長安合於古帝王願與羣臣議定奏可大司馬車騎將軍許嘉等八人以爲所從來久遠宜如故右將軍王商博士師丹議郎翟方進等五十人以爲禮記曰燔柴於太壇祭天也瘞瘞於太折祭地也兆於南郊所以定天位也祭地於太折在北郊就陰位也郊處各在聖王所都之南北書曰越三日丁巳用牲于郊牛二周公加牲告徙新邑定郊禮於維明王聖主事天明事地察天地明察神明章矣天地以王者爲主故聖王制祭天地之禮必於國郊長安聖主之居皇天所親視也甘泉河東之祠非神靈所贊宜徙就正陽大陰之處違俗復古循聖制定天位如禮便於是衛譚奏議曰陛下聖德聰明

上通承天之大典覽羣下使各悉心盡慮議郊祀之處天下幸甚臣聞廣議從衆則合於天心故洪範曰三人占則從二人言言少從多之義也論當往古宜於萬民則依而從之違道寡與則廢而不行今議者五十八人其五十人言當從之義皆著於經傳同於上世便於吏民其八人不按經藝考古制而以爲不宜無法之議難以定吉凶太誓曰正稽古立功立事可以末年不天之太誓曰母曰高在上陟降厥士日監在茲言天之日監王者之處也又曰迺眷西顧此維予宅言天以文王之都爲居也宜於長安定南北郊爲萬世基天子從之既定衛言甘泉泰畤紫壇八軋宜通象八方五帝壇周環其下又有羣神之壇以尚書禮六宗望山川徧羣神之義紫壇有文章采鑣黼黻之飾及玉女樂石壇仙人祠瘞驚路驛駒寓龍馬不能得其象於古臣聞郊紫壇靈帝之義增地而祭上質也歌大呂舞雲門以族天神歌太簇舞咸池以族地祇其牲用犢其席栗藉其器陶匏皆因天地之性貴誠上質不敢修其文也以爲神祇功德至大雖修精微而備庶物猶不足以報功唯至誠爲可故上質不飾以章天德紫壇僞飾女樂驚路驛駒龍馬石壇之屬宜皆勿修衛又言王者各以其禮制事天地非因異世所立而繼之今雍鄠密上下時本秦侯各以其意所立非禮之所載衛也漢興之初儀制未及定即且因秦故祠復立北時今既稽古建定天地之大禮郊見上帝帝赤白黃黑五方之帝皆畢陳各有位饌祭祀備具諸侯所安造王者不當長違及北時未定時所立不宜復修天子皆從焉及陳實

祠由是皆罷明年上始祀南郊赦奉郊之縣及中都官耐罪囚徒是歲衛復條奏長安廚官縣官給祠郡國侯神方士使者所祠凡六百八十三所共二百八所應禮及疑無明文可奉祠如故其餘四百七十五所不應禮或復重請皆罷奏可本雍舊祠二百三所惟山川諸星十五所爲應禮云若諸布諸嚴諸遂皆罷社主有五祠置其一又罷高祖所立梁晉秦荆巫九天南山萊中之屬及孝文渭陽孝武薄忌秦一三一黃帝冥羊馬行秦一舉山山君武夷夏后啓母石萬里沙八神延年之屬及孝宣參山蓬山之不成山萊山四時蚩尤勞谷五林仙人玉女徑路黃帝天神原水之屬皆罷侯神方士使者副佐本草待詔七十餘人皆歸家

末始三年詔復諸神祠

按漢書成帝本紀末始三年冬十月庚辰皇太后詔有司復甘泉泰畤汾陰后土雍五時陳倉陳寶祠按郊祀志匡衡坐事免官爵衆庶多言不當變動祭記者又初罷甘泉泰畤作南郊日大風壞甘泉竹宮折拔時中樹木十圍以上百餘天子異之以問劉向對曰家人尚不欲絕種祠況於國之神寶舊時且甘泉汾陰及雍五時始立皆有神祇感應然後營之非苟而已也武宣之世奉此三神禮敬較備神光尤著祖宗所立神祇舊位誠未易動及陳寶祠自秦文公至今七百餘歲矣漢興世世常來光色赤黃長四五丈直祠而息音聲碎隱野雞皆雉每見雍太祝祠以太牢遣侯者乘傳馳詣行在所以爲福祥高祖時五來文帝二十六來武帝七十五來宣帝二十五來初

元元年以來亦二十來此陽氣舊祠也及漢宗廟之禮不得擅議皆祖宗之君與賢臣所共定古今異制經無明文至尊至重難以疑說正也前始納貢禹之議後人相因多所動搖易大傳曰誣神者殃及三世恐其容不獨止禹等上意恨之後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀營泰時於甘泉定后土於汾陰而神祇安之饗國長久于孫蕃滋累世遵業福流於今今皇帝寬仁孝順奉循聖緒庶有大愆而久無繼嗣思其咎職殆在徒南北郊違先帝之制故神祇舊位失天地之心以妨繼嗣之福春秋六十未見皇孫食不甘味寢不安席朕甚悼焉春秋大復古善順祀其復甘泉泰時汾陰后土如故及雍五時陳寶祠在陳倉者天子復親郊禮如前又復長安雍及郡國祠著明者且半

綏和 年谷未上言諸盛稱奇怪鬼神者樂請距絕帝善之

按漢書成帝本紀不載 按郊祀志成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多然無大貴盛者谷永說上曰臣聞明於天地之性不可惑以神怪知萬物之情不可罔以非類諸皆仁義之正道不遵五經之法言而盛稱奇怪鬼神廣崇祭祀之方求報無福之祠及言世有仙人服食不終之藥違典輕舉登遐倒景覽縣圖浮游蓬萊耕耘五德朝種暮穫與山石無極黃治變化堅冰淖溺化色五倉之術者皆姦人惑衆挾左道懷詐僞以欺罔世主聽其言洋

洋盈耳若將可遇求之盪盪如繁風捕景終不可得是以明王距而不聽聖人絕而不語昔周史苴弘欲以鬼神之術輔尊靈王會朝諸侯而周室愈微諸侯愈叛楚懷王隆祭祀事鬼神欲以獲福助卻秦師而兵挫地削身辱國危秦始皇初并天下甘心於神仙之道遺徐福韓終之屬多齋童男童女入海求神采藥因逃不還天下怨恨漢興新垣平齊人少翁公孫卿樂大等皆以仙人黃治祭祠事鬼使物入海求仙采藥貴幸賞賜累千金大尤尊盛至妻公主爵位重案震動海內元鼎元封之際燕齊之間方士矚目覩聖言有神仙祭祀致福之術者以萬數其後平等皆以術窮詐得誅夷伏辜至初元中有天淵王女鉅鹿神人轅陽侯師張宗之姦紛紛復起夫周秦之末三五之隆已嘗專意散財厚祿祿神舉天下以求之矣曠日經年靡有毫釐之驗足以揆今經曰享多儀儀不及物惟曰不享論語說曰子不語怪神惟陛下距絕此類母令姦人有以窺朝者上善其言

按漢書平帝本紀不載 按郊祀志平帝元始五年大司馬王莽奏言王者父事天故爵稱天子孔子曰人之行莫大於孝孝莫大於嚴父嚴父莫大於配天王者尊其考欲以配天緣考之意欲尊祖推而上之遂及始祖是以周公郊祀后稷以配天宗祀文王於明堂以配上帝禮記天子祭天地及山川歲備春秋穀梁傳以十二月下辛上正月辛郊高皇帝受命因雍四時起北時而備五帝未共天地之祀孝文十六年用新垣平初起渭陽五帝廟祭泰一地祇以太祖高皇帝配日冬至祠泰一夏至祠地祇皆并祠五帝而共一牲上親郊拜後平伏誅遇不復自親而使有司行事孝武皇帝祠雍曰今上帝朕親郊而后土無祠則禮不答也於是元鼎四年十一月甲子始立后土祠於汾陰或曰五帝泰一之佐宜立泰一五年十一月癸未始立泰一祠於甘泉二歲一郊與雍更祠亦以高祖配不歲事天皆未應古制建始元年徙甘泉泰時河東后土於長安南北郊未始元年三月以未有皇孫復甘泉河東祠綏和二年以卒不獲祐復長安南北郊建平二年懼孝哀皇帝之疾未瘳復甘泉汾陰祠竟復無福臣謹與太師孔光長樂少府平晏大司農左咸中壘校尉劉歆大中大夫朱陽博士薛順議郎國由等六十七人議皆曰宜如建始時丞相衡等議復長安南北郊如故莽又奏言書曰類于上帝禮于六宗歐陽大小夏侯三家說六宗皆曰上不及天下不及墜旁不及四方在六者之間助陰陽變化實一而名六名實不相應禮記祀典功施於民則祀之天文日月星辰所昭仰也地理山川海澤

哀帝 年盡復諸神祠 按漢書哀帝本紀不載 按郊祀志哀帝即位體疾博徵方術士京師諸縣皆有侍祠使者盡復前世所常典諸神祠官凡七百餘所一歲三萬七千祠云平帝元始元年禁淫祀以義陵神衣自出柙用太牢祀 按漢書平帝本紀元始元年二月禁淫祀乙未義陵寢神衣在柙中丙申旦衣在外牀上寢令以急變聞用太牢祠 元始五年王莽奏復南北郊定羣神祠廟兆時

所生植也易有八卦乾坤六子水火不相逮風不
相許山澤通氣然後能變化既成萬物也臣前奏徒
甘泉泰畤汾陰后土皆復於南北郊謹按周官北五
帝於四郊山川各因其方今五帝北居在雍五時不
合於古又日月當風山澤易封六子之尊氣所謂六
宗也星辰水火溝瀆皆六宗之屬也今或未特祀或
無兆居謹與太師光太司徒宮義和欽等八十九人
議皆曰天子父事天母事地今稱天神曰皇天上帝
泰一兆曰泰畤而稱地祇曰后土與中央黃靈同又
兆北郊未有尊稱宜令地祇稱皇靈后祇兆曰廣時
易曰方以類聚物以羣分羣神以類相從爲五部
兆天墜之別神中央帝黃靈后土時及日廟北辰北
斗填星中宿中宮於長安城之未墜兆東方帝太昊
青靈句芒時及靈公風伯廟歲星東宿東宮於東郊
兆南方炎帝赤靈祝融時及熒惑星南宿南宮於南
郊兆西方帝少皞白靈蓐收時及太白星西宿西宮
於西郊兆北方帝顓頊黑靈元冥時及月廟兩師廟
辰星北宿北宮於北郊兆可於是長安旁諸廟兆
時甚盛矣

後漢

世祖建武元年祭告天地及羣神
按後漢書世祖本紀建武元年六月己未即皇帝位
燔燎告天禮於六宗望於羣神 按祭祝志光武即
位於鄴爲壇於鄴之陽祭告天地采用元始中郊
祭故事六宗羣神皆從未以祖配天地共續餘牲尚
約
建武二年初制天地及諸神兆位

按後漢書世祖本紀建武二年春正月壬子起高廟
建社稷於洛陽立郊兆於城南 按祭祝志二年正
月初制郊兆於雒陽城南七里依鄴元始中故事
爲圓壇八陛中又爲重壇天地位其上皆南向西上
其外壇上爲五帝位青帝位在甲寅之地赤帝位在
丙巳之地黃帝位在丁未之地白帝位在庚申之地
黑帝位在壬亥之地其外爲壇重營皆紫以像紫宮
有四通道以爲門日月在中營內南道日在東月在
西北斗在北道之西皆別位不在羣神列中八陛陸
五十八畝合四百六十四畝五帝陸郭帝七十二畝
合三百六十畝中營四門門五十四神合二百一十
六神外營四門門百八神合四百三十二神皆皆營
內鄉中營四門門封神四外營四門門封神四合三
十二神凡五百一十四神營即地也封土築也
背中營神五星也及中宮宿五官神及五嶽之屬也
背外營神二十八宿外官星雷公先農風伯雨師四
海四瀆名山大川之屬也隴蜀平後乃增廣郊祀高
帝配食位在中壇上西面北上天地高帝黃帝各用
饗一頭青帝赤帝共用饗一頭白帝黑帝共用饗一
頭凡用饗六頭日月北斗共用牛一頭四營羣神共
用牛四頭凡用牛五頭凡樂奏青陽朱明西皓元冥
及雲翹育命舞中營四門門用席十八枚外營四門
門用席三十六枚凡用席二百一十六枚皆莞單率
一席三神日月北斗無陸郭殿既送神燔俎實於壇
南已地

注周禮凡以神位者掌三辰之法以爲鬼神示之
居辨其名物節元日爲圖也居謂坐也天者羣神

之精日月星辰其著位也以此圖天神人鬼地祇
之坐者謂布祭樂與其居向皆有明法焉
中元元年封禪泰山祭天地及羣神

按後漢書世祖本紀中元元年二月己卯幸魯進幸
泰山辛卯柴望岱宗登封泰山甲午禪於梁父 按
祭祝志建武三十二年正月月上齋夜讀河圖會昌符
曰赤劉之九會命岱宗不愆克用何益於承誠善用
之姦偽不萌感此文乃詔於松等復案案河圖雜
文言九世封禪事者松等列奏乃許焉二月上至奉
高二十二日辛卯晨燎祭天於泰山下南方羣神皆
從用樂如南郊事畢將升封或曰泰山雖已從食於
樂祭今親升告功宜有禮祭於是使調者以一特牲
於常祠泰山處告祠泰山如親耕籍田先祠先農先
虞故事至食時御輦升山日中後到山上更衣早脯
時即位於壇北面羣臣以次陳後西上畢位升壇尚
書令奉玉牒檢皇帝以寸二分重親封之訖太常命
人發壇上石尚書令藏玉牒已復石覆訖尚書令以
五寸印封石檢事畢皇帝再拜羣臣稱萬歲命人立
所刻石碑乃復道下二十五日甲午禪祭地於梁陰
以高后配山川羣神從如元始中北郊故事四月己
卯大赦天下以建武三十二年爲建武中元元年以
吉日刻玉牒書函藏金匱重印封之乙酉使太尉行
事以特告至高廟太尉奉匱以告高廟藏於廟室西
壁石室高主室之下
章帝元和二年詔祀山川百神

按後漢書章帝本紀元和二年春二月詔曰今山川
鬼神應典禮者尚未咸秩其議增修羣祀以祈豐年

丙辰東巡狩辛未幸太山柴告岱宗有黃鵠三十從西南來經祠壇上東北過於宮屋翔升降進幸奉高壬申宗祀五帝於汶上明堂癸酉告祠二祖四宗夏四月乙卯車駕還宮庚申假於祖廟告祠高廟按祭祀志二月上東巡狩將至泰山道使使者奉一太牢祠帝堯於濟陰成陽壘臺上至泰山修光武山南壇兆柴祭天地羣神如故事

魏

文帝黃初五年詔禁淫祠

按三國志魏文帝本紀黃初五年冬十二月詔曰先王制禮所以昭孝事祖大則郊社其次宗廟三辰五行名山大川非此族也不在祀典叔世表亂崇信巫史至乃宮殿之內戶屬之間無不沃醑甚矣其惑也自今其敢設非祀之祭巫祝之言皆以執左道論著於令典

吳

吳主皓 年詔毀神祠

按三國志吳主孫皓傳不載 按續文獻通考吳主皓嘗詔毀神祠及佛宇

欽定古今圖書集成博物彙編神異典

第二卷目錄

神異總部彙考二

晉 世祖泰始二年 東晉一則

宋 高祖永初一則 世祖孝建一則 太宗一則

梁 高祖中大通一則

北魏 太武一則 高祖延興一則 太和三則 宣武一則 宣帝永興一則

隋 高祖開皇二則

唐 高祖武德一則 元宗天寶二則 肅宗上元一則 肅宗長慶一則

後唐 莊宗同光二則 明宗天成一則 長興一則

後周 世宗顯德一則

遼 聖宗統和一則

宋 太祖建隆一則 太宗雍熙二則 淳化一則 真宗大中祥符四則 天禧一則 神宗熙寧一則 元豐一則 徽宗大觀一則 欽宗靖康一則 高宗紹興四則 金世宗大定一則

元 成宗大德一則 英宗一則 泰定帝致和

明 總一則 太祖洪武三則 成祖永樂四則 宣宗成化一則 世宗嘉靖三則 穆宗隆慶一則 神宗萬曆一則

清 世宗一則

神異總部彙考三

禮記 月令 等法

周禮 地官

皇清 共六則

神異典第二卷

神異總部彙考二

晉

世祖泰始元年詔禁淫祠

按晉書世祖本紀不載 按禮志泰始元年十二月詔晉聖明王修五嶽四瀆名山山川澤各有定制所以報陰陽之功而當幽明之道故也然以道淫天下者其鬼不神其神不傷人故史氏薦而無愧詞是以其人敬慎幽冥而淫祠不作末代信道不篤僭亂瀆神縱欲祈請曾不敬而遠之徒偷以求幸妖妄相煽舍正為邪故魏朝疾之其按舊禮具為之制使功著於人者必有其報而妖淫之鬼不亂其間

泰始二年春正月丙戌遣兼侍中侯史光等持節四方循省風俗除淫祠之不在祀典者

按晉書世祖本紀云云 按禮志二年正月有司奏春分祠厲殃及臘祠詔曰不在祀典除之

東晉後廢諸神祀

按晉書禮志禮王為羣姓立七祀曰司命中雷國門國行太厲戶竈仲春元鳥至之日以太牢祀高禘毛詩絲衣篇高子曰靈星之戶漢興高帝亦立靈星祠及武帝以李少君故始祀竈及生辰太子始立高禘漢儀云國家亦有五祀有司行其事禮頗輕於社稷則亦存其典矣又云常以仲春之月立高禘祠於城南祀以特牲又是月也祠老人星于國都南遂郊老人星廟立夏祭竈季秋祠心星于城南壇心星廟元康時洛陽猶有高禘壇百姓祠其旁或謂之落星是後諸祀無聞江左以來不立七祀靈星則配饗南郊

不復特置焉

宋

高祖末初二年禁淫祀

按宋書高祖本紀末初二年夏四月己卯朔詔曰淫祠政民貲財前典所絕可並下在所除諸房廟其先賢及以勳德立祠者不在此例 按禮志末初二年普禁淫祀由是將子文祠以下普皆毀絕

世祖孝建 年周朗奏請除鬼道妖巫諸神怪事不聽

按宋書世祖本紀不載 按周朗傳世祖即位普責百官謹言朗上書言凡鬼道惑眾妖巫破俗觸木而言怪者不可數萬采而稱神者非可算其原本是亂男女合飲食因之而以祈祝從之而以報請是亂不誅為害未思凡一祀始立一神初興淫風輒以之而甚今修隄以北置園百里峻山以右居靈十房靡財敗俗其可稱限又針藥之術世慕復修診脈之伎人鮮能達民因是益微于鬼遂棄于醫重令耗惑不反死天復半今大醫宜男女習教在所應遣吏受業如此故當愈于媚神之愚微正廢理之飲矣書奏忤旨自解去職

太宗 年立九州廟于雞籠山大聚羣神

按宋書太宗本紀不載 按禮志明帝立九州廟于雞籠山大聚羣神蔣侯未代稍加爵位至相國大都督中外諸軍事加殊禮鍾山王蘇侯驛騎大將軍四方諸神咸如舊矣

梁

高祖中大通五年祀南郊致諸靈異

按梁書高祖本紀中大通五年春正月辛卯與駕親祀南郊先是一日東南郊令解縣之等到郊所履行忽聞空中有異香三隨風至及將行事奏樂迎神畢有神光滿壇上朱紫黃白雜色食頃方滅

北魏

太祖 年立諸神廟

按魏書太祖本紀不載 按通典後魏道武帝初有兩彗星見劉后使占之占曰祈之則掃定天下后從之故立其祠又立歲神十二歲一祭以十月用牛一雞三又立土神四歲二祭常八月十月用羊又立獻明以上天神四十所歲祭其神尊小馬次牛小以羊皆女巫行事

世祖太延元年詔禮報百神

按魏書世祖本紀太延元年六月甲午詔曰比者已來禋瑞仍臻天降嘉貺將何德以酬之其令禮報百神守宰祭界內名山大川上答天意以求福祿太延二年以司徒崔浩議罷不經神祀

按魏書世祖本紀不載 按禮志太延二年六月司徒崔浩奏議神祀多不經案祀典所宜祀凡五十七

所餘重複及小神請皆罷之奏可

按文獻通考後魏自入中國以來雖頗用古禮祀天地宗廟百神而猶循其舊俗所祀神甚衆太武時崔浩請存合于祀典者五十七所其餘重複及小神悉罷之

高宗和平二年以早詔祭百神

按魏書高宗本紀不載 按禮志和平二年四月早下詔州郡於其界內神無大小悉還掃薦以酒脯年

登之後各隨本秩祭以牲牢至是羣祀先廢者皆復之

高祖延興二年詔祀諸神悉用酒脯

按魏書高祖本紀不載 按禮志延興二年有司奏天地五郊社稷以下及諸神合一千七十五所歲用牲七萬五千五百顯祖深恐生命乃詔曰朕承天事神以育羣品而咸秩處廣用牲甚衆夫神聰明正直享德與信何必在牲易曰東鄰殺牛不如西鄰之禴祭實受其福苟誠感有者雖行潦菜羹可以致大嘏何必多殺然後復社稷哉其命有司非郊天地宗廟社稷之祀皆無用牲於是羣祀悉用酒脯

太和四年勅祀羣神

按魏書高祖本紀太和四年二月癸巳詔曰朕承乾緒君臨海內夙興昧旦如履薄冰今東作方興庶類萌動品物養生膏雨不降歲一不登百姓饑乏朕甚懼焉其敕天下祀山川羣神及能興雲雨者修飾祠堂薦以牲璧

太和十五年有司以不雨奏祈百神不許又詔減省羣祀罷水火之神四十餘名

按魏書高祖本紀太和十五年不雨有司奏祈百神詔曰昔成湯遇旱齊魯逢災並不由祈山川而致雨

皆至誠發中澍潤千里萬方有罪在予一人今普天喪恃幽顯同哀神若有靈猶應未忍安饗何宜四氣未周便欲祀事唯當考躬責己以待天譴 按禮志十五年秋八月戊午詔曰國家自先朝以來饗祀諸神凡有一千二百餘處今欲減省羣祀務從簡約昔漢高之初所祀衆神及寢廟不少今日至于元成之

際匡衡執論乃得減省後至光武之世禮儀始備饗祀有序凡祭不欲數數則黷黷則不敬神聰明正直不待煩祀也又詔曰明堂太廟並祀祖宗配祭配享於斯備矣白登崢嶸山雞鳴山廟唯遺有司行事馮宣王誕生先後復因在官長安立廟宜異常等可勅雍州以時供祭又詔曰先恆有木火之神四十餘名及城北星辰今園丘之下既祭風伯雨師司中司命明堂祭門戶井竈中霤每神皆有此四十神計不須立悉可罷之

太和二十年七月帝以久旱歲秩羣神

按魏書高祖本紀云云

肅宗神龜二年十有二月庚申詔除淫祀焚諸雜神按魏書肅宗本紀云云

出帝永興四年置天地日月諸神于宮內復置天神等二十三於道武廟左右

按魏書出帝本紀不載 按開府元龜永興四年加置天地日月之神及諸小神二十八宿於宮內歲二祭各用羊一又別置天神等二十三於道武廟左右其神大者以馬小者以羊

隋

高祖開皇十三年以鬼火彌漫令灑酒宣勅以呪遣之

按隋書高祖本紀不載 按食貨志開皇十三年帝命楊素出於岐州北造仁壽宮素遂夷山堙谷營構觀宇崇臺累榭宛轉相屬役使嚴急丁夫多死疲敝顧仆者推填坑坎覆以土石因而築爲平地死者以萬數宮成帝行幸焉時方暑月而死人相次于道素